

IJAMBO RYA MINISTRI W'INGANDA, MINI N'IMYUGA AFUNGURA IMULIKWA RYA MBERE
RY'IBIKORWA BY'IMYUGA.

KIGALI 23 - 28/12/1985.

- Banyacyubahiro mwese muteraniye hano,
- Ba Militante, ba Milita,

Mbanje kubasuhuza mwese uko muli hano mu ndamutso ya Muvoma
Revolutionnaire Iharanira Amajyambere y'u Rwanda, indamutso y'ubumwe
n'Amahoro byo nkingi y'Amajyambre, mbashimira ko mwaje muli benshi
muli uyu muhango wo gufungura ku mugaragaro ili mulikwa ry'ibikorwa
by'abanyamyuga litangiye none, likazarangira kuwa gatandatu w'iki
cyumweru.

Ba Militante, ba Milita,

Mu mpera z'uyu mwaka w'1985, Leta y'u Rwanda yongeye guko-
resha ili Mulikwa kugirango yerekane ko ishyigikiye byimazeyo ibikorwa
by'Abanyamyuga.

Kuva mu mwaka w'1983, Leta y'u Rwanda yakoresheje amamulikwa
rusange, yeretse abanyarwanda ibyo bamaze kwigezaho, mu rwego rwo ko-
ngerera umusaruro rusange mu bukungu bw'Igihugu, hanyuma muli uyu mwaka
w'1985 ikoresha amamulikwa yihaliwe (expositions spécialisées).

Muli Nyakanga, igihe twizihiza isabukuru y'imyaka 10 Muvoma
yacu imaze ishinzwe, habaye amamulikwa abili: imulikwa ry'ibintu
bikomoka ku buhinzi n'ubworozi, n'imulikwa ryerekanye ibikorwa bya
kijyambere abanyamyuga bagezeho mu myaka 10 ishize.

Komisiyo ishinzwe amamulikwa y'ibigurwa yemeje ko umwaka umwe
hazajya haba imulikwa rusange, ukulikiyeho hakaba limwe mu mamulikwa
yihaliwe. Uyu mwaka rero hateganijwe imulikwa ryihaliwe mu byerekeye
imyuga n'ubukolikoli.

Ili "Mulikwa Gushwa" ryateguwe na Ministeri y'Inganda,
Mini n'Imyuga ifatanije na Ministeri y'Imali n'Ubukungu, Ministeri
y'Urubyiruko no Gutsura za Koperative na Ministeri y'Ubucamanza,
n'Umuryango w'Ubucuruzi n'Inganda mu Rwanda.

Nkaba mboneyeho, gushimira abakozi b'izo nzego z'ubutegetsi
umwete n'umurava bateguranye ili mulikwa. Ndashimira cyane cyane
Ministeri y'Urubyiruko no Gutsura za Koperative, kuba yarafashije
byimazeyo amashyirahamwe y'urubyiruko kuza kwerekana ibintu byayo
kandi ikaba yarafashije na za CERAI zimwe na zimwe kuza kwerekana
ibyo zimaze kugeraho. Turashimira kandi na Ministeri y'Ubucamanza

.../...

"Uko nabibonye, uko mwagiye mumbwira ingorane, ndabona ko kubafasha atali ugushaka, kubakorera ibyo mwikorera ubwanyu. Kubafasha, si ukubabwira ibyo mugomba gukora, kuko mubyimenyera ubwanyu, mukulikije ibyo mubona rubanda rukeneye. Kubafasha si ukubashyilira amategeko abagenga, bambwiye ko ayo mategeko muyategura, mukulikije inzego z'imilimo yanyu n'ubucuti mufitanye, cyangwa se ubushyirahamwe bwatunye muyihulira. Kubafasha sibyo ngibyo rero, si ugushaka kubakorera ibyo mwikorera ubwanyu, si ukubabwira ibyo mugomba gukora, kuko mubizi, si no kubashyilira amategeko yabagenga, kubafasha ahubwo, ndabona ari ukubatera inkunga cyane cyane mu byo mutishoboreye; nko kubashakira ibibanza byo gukoreramo, mwabona n'amafanga mukubakamo n'amazu mwakoreramo.

Kubona ibyo bibanza ntibyoroshye, ndabizi, kandi n'ubahagaraliye amaze kubimbwira, cyane cyane mu migi, kuko ibishushanyo mbonera by'iyi migi, bishobora kuba byalibagiwe ibibazo nk'ibyo muhura nabyo. Ndufuzwa rero ko Ministeri y'Imilimo ya Leta n'Ingufu, ishinzwe iby'ibibanza mu migi yashakira amashyirahamwe y'abanyanyuga n'ay'ubukolikoli, aho bakorera igihe bagomba gukorera mu migi, ikazakulikiza na none, imitunganyilize nyiza y'iyi migi nk'ibyerereye isuku n'ibindi.

Kubafasha ni nko kubatera inkunga, mu gushaka ibikoresho mukeneye. Nk'abadozi b'inkweto, bambwiye ko bakeneye impu, iyo basana inkweto, bakeneye n'amapine ashaje, kandi nzi ko amapine ajugunywa muri Nyabarongo, nzi ko hali inzego z'imilimo, ari zo services zimwe, zabuze aho zijugunya ibimodoka byazo bishaje, ibyo bimodoka bikabafatira umwanya mu bigo byabo, kandi n'abacura imbabura bakenera ibyuma bakabura aho babibaliza. Muzi akamaro k'imbabura, sinakwilirwa mbisubiramo, imbabura zibuze, ngira ngo abenshi baburara.

Ni ngombwa rero ko Leta yafasha abanyanyuga n'abanyabukolikoli kubona ibikoresho bakeneye: abakeneye impu bakabona impu, imbaho n'ibyo byuma bikenewe kugirango bacure imbabura.

Kubafasha ni nko kubabaliza, amabanki cyane cyane nka banki z'abaturage, kubashakira namwe inguzanyo.

Kubafasha ni ukureba uko twakoresha, ibyo mukora, ari mu milimo ya Leta ari n'ubwo ^{kuri buli muntu} / giti cye. Ejo bundi navuze ko, gukoresha iby'iwacu, atali ugutangilira ku bihambaye. Gutumiza mu mahanga ibyo abanyarwanda bacu bakora, kandi bakora neza, aba ari ugusesagura.

Amazu menshi yubakwa n'ubutegetsu, amazu menshi yubakwa mu makomini hirya no hino nk'ibiro bya za S/Prefegitura, ibiro bya za Komini, ibigo bitsura amajyambere, ibigo ndera-buzima, ndetse na za Paruwasi zubakwa hirya no hino mu gihugu; ayo mazu yose ashobora gukoresha iby'abanyanyuga n'abanyabukolikoli bacu bakora, aho gutumiza mu mahanga ibikoresho kenshi usanga bitarusha iby'abacu ubwiza cyangwa se ngo bibirusha gukomera.

.../...

n'ibindi bibazo bisobekeranye, bibyara ububandi n'ubwonzani.

Iyo milimo rero, yaturuka mu myuga no mu nganda ntoya zashingwa mu cyaro, kuko bisaba gushora imali nkeya kandi bitagomba ubuhanga buhanitse. Bityo amafanga, aturuka mu buhinzi no mu myuga, akuzuzanya, abaturage bo mu cyaro bakarushaho kumererwa neza.

Dufatane urunana, ali leta cyangwa imiryango itali iya leta, ali abanyanyuga n'abanyabukolikoli, ali ibigo by'ubushakashatsi, dushakire hamwe icyatuma inyuga irushaho kugilira igihugu n'abagituye akamaro. Dushakire hamwe, icyatuma umusaruro w'abanyanyuga urushaho kwiyongera, kandi ibyo bakoze bikarushaho kuba byiza, twibanda cyane cyane ku bikoresho byasimburira, ibyo tuvana mu mahanga, ndetse byashobokotugasagulira n'amasoko yo hanze. Ni ngombwa rero, ko uburyo bushya bwo gukora bwajya bukwizwa mu banyanyuga. Kugirango ibatere inkunga, leta yiyemeje gushyiraho ikigega cyo gutera inkunga abashakashatsi n'abanyabukolikoli bazajya babona uburyo bushya kandi bworoheje, bwo guha agaciro umutungo w'Igihugu cyangwa bihatira kumenya ibikorera ahandi bagashaka uburyo byakorerwa mu Rwanda bakoresheje ibidukikije.

Ba Militantes, Ba Militants,

Nigeze kuvuye ko inyuga n'inganda nto bisaba imali nkeya, aliko, siko abanyanyuga cyangwa amashyirahamwe yabo, bayabona kandi na za Banki ntizibagilira ikizere gihagije kugirango zibahe inguzanyo. Niyo mpamvu, leta yashyiraho ikigega cy'ubwishingizi cyo kubagoboka. icyo kigega kirishingira, ntikiguliza. Gikorana n'amabanki (Fonds Spécial de Garantie).

Abanyanyuga bagomba kwiyumvisha, akamaro k'amashyirahamwe. Ninwishyire hamwe, mugane Banki z'Abaturage, zibegereye. Ninwishyire hamwe, mugane n'andi na Banki yo mu Rwanda, abahe inguzanyo, kandi ayo mabanki azababwira uburyo cya kigega cyakwishingira inguzanyo z'amashyirahamwe yanyu. Nk'uko Nyakubahwa Prezida wa Republika yabisabye, kuwa 11 werurwe 1985, abanyanyuga bakwiye gushyiraho, amashyirahamwe yabo, cyane cyane mu cyaro, aho bazafatanyaga n'urubyiruko rurangije mu maserayi, yabemereye ko Ubutegetsi bwa leta, bwa Prefegitura n'ubwa Komini, buzabibafashamo.

Ba Militantes, Ba Militants,

Uyu mwaka w'1985, witeziwe umwaka w'urubyiruko kw'isi yose. Twese kandi, tuzi ko, urubyiruko rw'u Rwanda, ari rwinshi, kandi ko tugomba kurushakira ikizarutunga. Prezida wa Republika yabyibukije kenshi, asaba ko, urubyiruko rutabashije, gukubikira amashuri, rwakwigishwa inyuga, ishobora kuruteza imbere, rugakabwa inyigisho zigamije amajyambere y'icyaro.

Ababishinzwe, cyane cyane, Ministeri y'Urubyiruko no Gutsura za Koperative, bihatira gushyiraho ibigo, byo guhuguliramo urubyiruko, n'amashyirahamwe y'urubyiruko, agamije cyane cyane amajyambere y'icyaro.

.../...

- Gukoresha ibyacu, bituma, tubika amadovizi, duhaha, ibyo dukeneye koko.

Ba Militantes, Ba Militants,

Ili mulikwa tuje gutangiza ku mugaragaro uyu munsi, lizakomeza kugeza, kuwa 28 Ukuboza 1985, lizatuma abantu benshi, birebera ibyo abanyanyuga bagezeho. Nizeye ko, bazishimira ubwiza bwa byo, n'ibiciro byabyo. Hali benshi baterekereza ko, ikintu kitakorerwa mu ruganda rukomeye uru n'uru, kiba atali cyiza, aliko ndagirango mbabwire, ko, izo nganda zikomeye, zitagomba, kuza zisenya, ibyo twali, dusanganywe, ko, ahubwo zigomba kuza zibyuzuzza.

Ba Militantes, Ba Militants,

Ili mulikwa rya mbere ry'ibikorwa by'inyuga, n'ubukolikoli, ryahuje, amashyirahanwe y'abanyanyuga n'urubyiruko na za gereza, ndetse n'abakora, ku giti cyabo. Abaje kwereka, abanyarwanda, ndetse n'abanyamahanga, ibintu binyuranye, baje ari benshi, kandi baturutse mu mpande zose z'u Rwanda.

Mwihere ijisho namwe, murebe ubwiza bw'ibyo, babereka. Ndongera gushima abanyanyuga bose, bitabiliye ili mulikwa. Urubyiruko ruraturereka ibyo rugezeho, mu mwaka warwitiliwe. Abanyururu, berekana ko, n'ubwo bali mu gihano, bitabiliye gukora, icyatuma amajyambere y'Igihugu atera imbere kandi nabo, bakitegurira icyo bazakora, barangije igihano cyabo. Abanyanyuga barereka abana babo, ikigomba gukorwa: Abo bose nibashimwe.

Mbifulije imulikwa lihire, lizatuma, inyuga mu Rwanda, irushaho gutera imbere, kandi, mbifulije, kuzagira umunsi mwiza wa Noheli. n'umwaka mushya muhire wa 1986.

- HARAKABAHO REPUBLIKA Y'U RWANDA NA PREZIDA WAYO.
- MUVOMA ISUGIRE ISAGAMBE, ITERE IMBERE,
DUKOMEZE KUYISHYIGIKIRA.
- IMYUGA ITERE IMBERE MU RWANDA.